

**საჯარო სამართლის იურიდიული პირი -
ბათუმის ხელოვნების სასწავლო უნივერსიტეტი**

ქ. ბათუმი

01 აპრილი 2020 წ.

ბრძანება 01-08/16

საგანგებო მდგომარეობის მოქმედების პერიოდში სსიპ-ბათუმის ხელოვნების სასწავლო უნივერსიტეტში სასწავლო პროცესის განხორციელების დამატებითი ღონისძიებების შესახებ

საქართველოს ზოგადი ადმინისტრაციული კოდექსის 51-ე, 52-ე და 53-ე მუხლების, „უმაღლესი განათლების შესახებ“ საქართველოს კანონის 22-ე მუხლის პირველი პუნქტის, სსიპ-ბათუმის ხელოვნების სასწავლო უნივერსიტეტის წესდების 23-ე მუხლის მე-4 პუნქტის, სსიპ-ბათუმის ხელოვნების სასწავლო უნივერსიტეტის შინაგანაწესის მე-8 მუხლის მე-2 პუნქტის, „ახალ კორონავირუსთან დაკავშირებით შემთხვევაში განხორციელების წესის დამტკიცების შესახებ“ პრევენციულ ღონისძიებათა განხორციელების წესის დამტკიცების შესახებ“ საქართველოს განათლების, მეცნიერების, კულტურისა და სპორტის სამინისტროს 2020 წლის 27 თებერვლის №296 ბრძანების, „ქვეყანაში კორონავირუსის თავიდან აცილების მიზნით პრევენციული ღონისძიებების განხორციელების შესახებ“ აცილების მიზნით პრევენციული ღონისძიებების განხორციელების შესახებ“ საქართველოს მთავრობის 2020 წლის 02 მარტის N434 განკარგულების, „საქართველოში ახალი კორონავირუსის გავრცელების აღკვეთის მიზნით „საქართველოში ახალი კორონავირუსის გავრცელების აღკვეთის მიზნით გასატარებელი ღონისძიებების დამტკიცების შესახებ“ საქართველოს მთავრობის 2020 წლის 23 მარტის N181 დადგენილების, „საგანგებო მდგომარეობის მოქმედების პერიოდში საგანმანათლებლო დაწესებულებებში სასწავლო პროცესის განხორციელების შესახებ“ საქართველოს მთავრობის 2020 წლის 31 მარტის N205 დადგენილებისა და სახელმწიფო ინსპექტორის სამსახურის რეკომენდაციების საფუძველზე ვბრძანებ:

1. „საგანგებო მდგომარეობის მოქმედების პერიოდში საგანმანათლებლო დაწესებულებებში სასწავლო პროცესის განხორციელების შესახებ“ საქართველოს მთავრობის 2020 წლის 31 მარტის N205 დადგენილების საფუძველზე სსიპ-ბათუმის ხელოვნების სასწავლო უნივერსიტეტში (შემდგომში - „ბხსუ“) გატარდეს შემდეგი დამატებითი ღონისძიებები:

1.1 გაგრძელდეს ბხსუ-ში 2019-2020 სასწავლო წლის გაზაფხულის სემესტრის სასწავლო პროცესის წარმართვა დისტანციურად, სტუდენტებთან დისტანციური კომუნიკაციისათვის ეფექტურად გამოყენებადი ინტერნეტრესურსის (ელექტრონული ფოსტა, „Skype“, „Messenger chats“, აუდიო-ვიდეო ლექციები, (ელექტრონული ფოსტა, „Skype“, „Messenger chats“, აუდიო-ვიდეო ლექციები, ვიდეოინსტრუქციები, ონლაინ სწავლების პლატფორმები - "ZOOM" და სხვ.) მეშვეობით.

1.2 დისტანციური სწავლების განსახორციელებლად სასწავლო პროცესის განმახორციელებელმა პერსონალმა (შემდგომში „პროფესორ-მასწავლებლებმა“):

ა) იხელმძღვანელონ ბხსუ-ს ადმინისტრაციის მიერ ელექტრონული ფოსტის მეშვეობით მიწოდებული ინსტრუქციითა და საქართველოს სახელმწიფო ინსპექტორის სამსახურის რეკომენდაციებით (წინამდებარე ბრძანების დანართი);

ბ) სასწავლო პროცესის დისტანციური საშუალებებით წარმართვისას იხელმძღვანელონ ევროპის უმაღლესი განათლების ხარისხის უზრუნველყოფის სააგენტოების ასოციაციის (ENQA) მიერ 2018 წელს შემუშავებული ელექტრონული სწავლების შიდა ხარისხის უზრუნველყოფის სახელმძღვანელო პრინციპებით;

გ) საგანგებო მდგომარეობის მოქმედების ვადის გასვლის შემდეგ ბხსუ-ს შესაბამისი ფაკულტეტის დეკანთან და ხარისხის უზრუნველყოფის სამსახურთან ერთად განიხილონ საკითხი დისტანციური სწავლების მიღმა დარჩენილი სტუდენტებისათვის უმაღლესი განათლების სრულად ხელმისაწვდომობისათვის შესაჩევი ფორმების შესახებ.

1.3 დისტანციური ელექტრონული რესურსის (ელექტრონული ფოსტა, „Skype“, „Messenger chats“, აუდიო ლექციები, ვიდეოინსტრუქციები, ონლაინ სწავლების პლატფორმები - "ZOOM" და სხვ.) გამოყენების პროცესის კოორდინაცია განახორციელოს აიტმენეჯერმა (ა.მუხაშავრია) და შემოქმედებითი პროექტების მართვისა და სტუდენტთა კარიერული მხარდაჭერის განყოფილების უფროსმა (მ.ბაღდაძიშვილი).

1.4 ბხსუ-ს ხარისხის უზრუნველყოფის სამსახურის უფროსმა და ფაკულტეტების დეკანებმა წინამდებარე ბრძანების გამოცემიდან 2 სამუშაო დღის ვადაში ერთობლივად უზრუნველყონ საქართველოს მთავრობის 2020 წლის 31 მარტის N205 დადგენილების მე-2 მუხლი მე-6 პუნქტით გათვალისწინებული წერილის (სასწავლო პროცესის დისტანციურად განხორციელების, კურიკულუმის დაგეგმვის, სასწავლო პროცესის ორგანიზებისა და ადმინისტრირებისთვის საჭირო მიდგომებისა და მეთოდების თაობაზე) მომზადება სსიპ-განათლების ხარისხის განვითრების ეროვნული ცენტრისათვის წარსადგენად არაუგვიანეს 2020 წლის 4 აპრილისა.

1.5 ბხსუ-ს კოლეგიური ორგანოების (აკადემიური საბჭო, წარმომადგენლობითი საბჭო, ფაკულტეტის საბჭო) სხდომები გაიმართოს (ასეთის საჭიროების შემთხვევაში) დისტანციურად საქართველოს კანონმდებლობისა და ამ ორგანოების რეგლამენტების/დებულებების მოთხოვნათა გათვალისწინებით (მათი გამართვის შესახებ შესაბამისი ორგანოს მდივანმა უზრუნველყოს ტექნიკური დახმარების საჭიროების განსაზღვრა შესაბამისი სამსახურებრივი/მოხსენებითი ბარათის წარმოდგენა).

1.6 ბხსუ-ში დასაქმებული ყველა პირი გადაყვანილ იქნეს დისტანციური მუშაობის რეჟიმზე, გარდა იმ შემთხვევისა, როდესაც კონკრეტული პოზიციის/თანამდებობის პირის უმაღლესი საგანმანათლებო დაწესებულების ტერიტორიაზე ყოფნა/გამოცხადება დაკავშირებულია ამ პოზიციის/თანამდებობის სპეციფიკასთან. ამ პირების საქმიანობა განხორციელდეს საქართველოს მთავრობისა და საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შესაბამისი მითითებების/რეკომენდაციების დაცვით და ბხსუ-ს ტერიტორიაზე დაშვებული იქნეს შესაბამისი სტრუქტურული ერთეულების უფროსების მიერ განსაზღვრულ, კრიტიკულად მნიშვნელოვანი აუცილებლობის შემთხვევებში.

2. წინამდებარე ბრძანების 1.1-1.3 პუნქტების აღსრულების კონტროლი განახორციელოს ბხსუ-ს ხარისხის უზრუნველყოფის სამსახურმა, შესაბამისი ფაკულტეტების დეკანებმა და პროგრამის ხელმძღვანელებმა.

3. წინამდებარე ბრძანების 1.5-1.6 პუნქტების აღსრულებაზე კონტროლი განახორციელონ რექტორმა და ადმინისტრაციის ხელმძღვანელმა.

4. ბრძანება განთავსდეს ბხსუ-ს ვებგვერდზე.

5. ბრძანება გასაცნობად და აღსასრულებლად დაეგზავნოს ბხსუ-ს ფაკულტეტებს, ყველა სტრუქტურულ ერთეულს და დასაქმებულს.

6. ბრძანება ძალაშია ხელმოწერისთანავე.

რექტორი, პროფესორი ქ. ქიქილიშვილი

მ. ჭიჭილეიშვილი